



# Tir Yimym

www.tiryimym.in

Regd. No. RNI. NAGAAO/2004/13113. Postal-NE/RN-717.

e-mail : tiryimym@gmail.com

TAPAK 7

Yangia anidakangma :

f Tir Yimym

ig tiryimym@aolima

yt tir yimym

TAPAK 8

**Gadkari aser kinungtsü nati  
Kamakhya temple nung sarasadem**

**Asian Championship: Anish  
Bhanwala-i bronze medal angu**

VOL. XXI NO. 23 (ADOK 23) DIMAPUR


SANGTENNÜ (TUESDAY)

MONGPUTENI (OCTOBER) 31, 2023

₹ 5.00

**Shisaliok ya linük tenzükba wadang ka lir: Tatong Tir**

**Kija shiai asen temeket merükmejua ayutsüla: Dr Yhome**



Jagdeep Dhankhar (file)

**Guwahati, October 30, 2023 (Agencies):** Shisaliok ya linük tenzükba wadang ka ama züngshitsüla aser nisung ajaki shisaliok nungi anguba linük nem meyipa agütsütsüla ta India Tatong Tir Jagdeep Dhankhar-i ayongzük.

Asenoki shisaliok ya rongsenketzüng aser shishilembatsütsü nükjiding atema dang benshira ibaji lokti aser nübortem anema lir, ta pai ashi. "Shisaliok tajung sayuba ajanga loktiliba mashii ka tajungba akümer anungji asenok shisatsü tanga linüktem nem magütsüli" ta Dhankhar-isa ashi.

Royal Assam Global University, Guwahati indang 3 buba Convocation Ceremony nung o jembidang Tatong Tirisa "Convocation ya nür tesayurtemi sayuba sempet aser kibong indang teimla aser taginübatem

süngjang atangba lir" ta ashi.

Dhankhar kaketshirtem dang tesayurtem aser tsüraburtem nem tenüng menük bentsür marutsü ayongzük.

National Education Policy ajanga shisatsü aser skills sendakteper aser iba ajanga kaketshirtemi course balala agiteter, ta paisa ashi.

"2019 küm takok mengutetaka Chandrayaan-3 ita nung tua anentetba atema tenüngsang agütsür. Tamakok anguba ya takok atema mera ka lir" ta Tatong Tirisa ashi.

Tanü Vice-President Dhankhar-isa Guwahati nung Cotton University semdang aser idakji kaketshirtem aser tesayurtem den ajurutepa sensaksem. Nikongdang pai Brihattar Guwahati Marwari Samaj, Guwahati ajanga ayongba sentong nung aden.

Royal Assam Global University convocation sentong nung Assam Governor Gulab Chand Kataria, Chief Minister Dr Himanta Biswa Sarma, Education Minister Dr. Ranaj Pegu, Power, Sports & Youth Welfare, Cooperation and Indigenous Tribal Faith and Culture Minister Nanadita Gorlosa, Chief Secretary Paban Kumar Borthakur aser RAGU Chancellor Dr. Ashok Kumar Pansari nungertem aden.

**Imphal nungi Dimapur helicopter service tenzüktsü**

**Imphal, October 30, 2023 (Agencies):** Imphal International Airport nungi Dimapur, Nagaland tashi helicopter services tenzüktsü atema Centre-i Manipur sorkar nem temelaba agütsüogo.

Iba ya Senapati district kübok Leirouching ajanga senzütsü.

"Imphal nungi Leirouching tashi para Rs 2,000 aser Leirouching (Senapati) nungi Dimapur Airport tashi Rs 4,000 asütsü" ta Transport Director

Dr Nivedita Lairenlakpam-i ashi.

Tongteprateptsü atema: Security officer Dinesh (+917003611936) mesüra Naorem Bapinchandra (customer service) Manipur Heli Service Imphal International Airport;

Senapati DTO Joseph D Sankhil (+909862087220) Leirouching;

East Air & Charter Service station manager Ronsuthung Kitan (9436005669) Dimapur.

**Indian Army kettangsürtem menden melenshir**

**New Delhi, October 30, 2023 (Agencies):** Taruba ita ishika tsüngda Indian Army nung temelenshi aika ajurutsü aser iba ajanga Lieutenant General Dhiraj Seth-i November 1, 2023 nungi South Western Command (SW) Chief-in-Command (CinC) inyaktsü.

Kasa anogo nunnga Lieutenant General Suchindra Kumar-ia Northern Command (NC) CinC inyak tenzüktsü aser Lieutenant General U Dwivedi-i Vice Chief of the

Army Staff (VCOAS) mapa agizüktsü.

December 1, 2023 nü Lieutenant General Manjinder Singh-i Army Training Command (ARTRAC) nung Chief-in-Command mapa agizüka inyaktsü.

Maneni, 2024 küm tetenzüklen Indian Army lenisüba nung temelenshi kar asütsü. January 1, 2024 nungi Lieutenant General RC Tiwari-i Eastern Command (EC) nung Chief-in-Command inyaktsü.



October 30, 2023 nü Morung Hall, Directorate of School Education nung Swachhata Pakhwada 2023 Nagaland state level sempet angurtem agiba noksa ka angur.

**Kohima, October 30, 2023 (TYO):** Temeket merükmejua ayutsüba tayongzükbaji kija nungi tenzüktsüla ta School Education and SCERT Advisor Dr Kekhrielhoulie Yhome-i ashi.

Hombarnü Swachhata Pakhwada 2023 state level felicitation sentong nung Yhome-i "merükmejua ya telemsa ana lir-lipoküm aser temang" ta ashi.

"Meimchir kanga kara melenshir aser tanübo asenok dak lipoküm aser temeket merüka ayutsü tangatetba lir. Iba atema Japan nung primary kaketshirtem dang merükmejuba aser temang tiptema anepalutsü tesayuba agütsür" ta pai ashi.

Merükmejuba tangatetba ya nübör ajak dang sayutsüla. Alima ainba den külemi merükmejuba ya meimchir taküm nung tongtipang shilem ka kümogo, ta Advisor Yhome-isa ashi.

"Nagaland nung kaketshir lakh 4 shi ka lir aser tanur shiai mitai ana chir taküptsü (wrapper) endokra, iba jagi anogoshia mitai lakh aika taküptsü endoktsü aser plastic jana akümtsü. Anungji asen loktiliba aser temeket merüka ayutsüba ya asen kidang nungi tenzüktsüla" ta paisa metetdaksü.

Ministry of Education-i 2016 nungi kümshia school ajak nung Swachhata Pakhwada munga arur ta Commissioner & Secretary School Education & SCERT, Kevileno Angami-i ashi.

Iba ya takok anguba lokti mapa ka kümogo aser kümshia tanur million aika denn tangartemi shilem agir. India merüktsüba nung school temi shilem tajung agir aser sorkar nung mapa temaba jenjang rongnung züngshir, ta Kevileno-isa ashi.

"Kümshia Swachhata Pakhwada atema calendar ji September 1 nungi 15 tashi lir. Hopta ana tsüngda activity-wise with photographs, anogoshia google tracker (data) aser google drive (photos, videos and pictures) nung videos upload süa aruogo aser iba ya Ministry of Education-i repranga aru" ta laisa ashi.

Taküm Nagaland nung sorkar aser nija school 1350-i shilem agi aser iba nung kaketshir 1,82,540 aden. Painting, Model Making, Slogan, Poem, Essay Writing amala den school merüka ayuba maparen balala inyaka liasü aser iba nungi State Level Award atema activity shia kaketshir tajungtiba asemsem aser temerüktsüba aser tiptema ayuba

school asem shim, ta Kevileno-i metetdaksü.

**Swachhata Pakhwada 2023 State Level Awardees:**

PAINTING: 1st John GHSS Kohima, Vikuneile, 2nd Assam Rifles Public School Kohima, Shahnaj Begum, 3rd Assam Rifles public School Kohima, Boustin.

CRAFT/MODEL MAKING: 1st Model School Mon, Yakai Konyak; 2nd GHS Jakhama Kohima, Nolevonu & Limpishe Yimcunger; 3rd GMS Alichen, Mokokchung, Pangai;

SLOGAN: 1st GHS Mezoma Kohima Shurhonguno Niphi; 2nd Zakiesato Memorial High School Dimapur Sneha Gupta; 3rd GHS Toluvi Dimapur Totoli Yeptho

POEM: 1st EMRS Diphupar Dimapur Moten S Phom; 2nd EMRS Diphupar Dimapur Sungjemmenla Longchar; 3rd Zakiesato Memorial High School Dimapur Marupa Beyum

ESSAY: 1st John GHSS Kohima Kajal Lama; 2nd EMRS Diphupar Dimapur Yanglechuba Y Chang; 3rd John GHSS Kohima Jsophronu Khrie-o

CLEANLINESS: 1st GHS Pughoboto Zunheboto; 2nd GPS Dibua Mokokchung; 3rd Police Unit Mon.

**Andhra Pradesh train lendong nung nisung 14 asü; 40 yiru**

**Hyderabad, October 30, 2023 (Agencies):** Deobar nikongdang Andhra Pradesh nung train ana tsüktepba lendong nung nisung 14 asü aser 40 yirua lir.

Visakhapatnam aser Palasa tsüngda senzüba special passenger train ka Alamanda aser Kantakapalle tsüngda main line nung oya lia Vizag-Rayagada passenger train kati tesülen nungi atsük.

Idangji Visakhapatnam-Palasa train nung tatembang takdang asem aser Visakhapatnam-Rayagada passenger train engine den tejaklen takdang ana lenmang nungi pila, ta DRM Saurabh Prasad-i ashi.

Iba lendong atalokba sülen yasüng tashi nung nisung 9 asü saka tanü tasür ajak agi nisung

14 kümogo ta Vizianagaram Collector Nagalakshmi-i ashi.

Iba lendong nung nisung 40 shi ka yirur mozü ki balala nung anepaludar, ta paisa ashi.

Iba lendong ajanga train 27 thiogo aser train 22 lenmang melenshia jajar. Vizag-Rayagada loco pilot aibelen ajanga lendong atalok asütsü akok, ta PRO Biswajit Sahu-ia ashi.

Chief Minister YSR Jagan Mohan Reddy-i iba lendong nung tasür kibong shia nem Rs 10 lakh teyari agütsütsü metetdaksüogo.

Paisa kanga mejungi yirur shia nem Rs 2.5 lakh aser terara yirur shia nem Rs 50,000 agütsütsü nangzüküogo.

Prime Minister Narendra Modi-ia lendong atalokba osang

metetpela aser tasür kibong shia nem Rs 2 lakh aser yirur shia nem Rs 50,000 agütsütsü metetdaksüogo.

Hombarnü CM Reddy-i PM Modi dang Deobarnü train ana tsüktepba bushisüngdangtsü atema high level audit committee ka tentetsü ayongzüküogo.

Andhra Pradesh CM-isa PM Modi aser Railway Minister Ashwini Vaishnaw na dang tarutsü nung ibala lendong mataloktsü atema high level audit committee ka tenteta asadangtsü mepishiogo.

Iba lendong atema East Coast Railway ajanga helpline numbers kar metetdaksüogo. (Bhubaneswar - 0674-2301625, 2301525, 2303069, Waltair - 0891-2885914.)

## MLA & Advisor, Tongpang Ozüküm-i Longkong yimdak Tatar Salang lapoktsü



MLA & Advisor, Tongpang Ozükümi Longkong yimdak Tatar Salang lapoktsür külen putu yimsüsürtem den külemi tangokba noksa nung angur. Mokochung, 30th October, 2023

**Mokochung, 30th Oct (TYO):** Angetyongpang nungi adoksang MLA & Advisor for water resource government of Nagaland, Tongpang Ozüküm-i Oct 30 nü Longkong yimdak Tatar Salang ki tasen ka meraketa lapoktsüogo. Iba ki ya Ministry of Tribal Affairs Government of India nungi senotsü teyari aruba nungi yangluba lir. Longkong yim ya Mokochung town nungi KM 20 shi asütsü.

Tongpang-i iba ki lapokja jembidang, par külem yimsüsür Temjen Imna Along-i taoba mapang Tribal Affairs bena alidang, pai iba ki asütsü teyari agütsüba asoshi pa aser tribal affairs department dang pelaba metetdaksü.

Iba mapa ya 2021-2022 kümsük asoshi inoktsüba ka aser project tekaraba renema rongnung iba ki renemetba ya-

a ka asütsü ta pai ashi. Taküm 2023 küm pa asoshi yimsüng kati arua mapa renema lapokbaji ibai mezüngbuba asütsü, aji oda, Longkong yimdeni iba maparen kanga junga achayanga inyakba asoshi parnok danga pelaba lemsatop.

Longkong yimdak tawa to ang putu atsüngtep. Aji oda, taoba putu den jangratema maparen balala nung amalitepa aruogo, tang ano putu tasenba dena kasa tangatetba nung yaritepa aotsü merangtsü, ta paisa shisem. Tarutsü nung mapa balala inyakyonga aotsü sentongtem lir, anungji, item ajak nungji asenok teyaritep nung teka amteper aotsü paisa lemsatop.

Longkong ya pei yimsüng aser pei senso meimba yim ka lir, lenir tajung sotetba yimkong, ochishir adokba yim aser talisa

Tsüngremi kanga meimba yim ka lir, anungji, item sempet tajungtemji maneni amanga yim tejakleni anitsü asoshi paisa tayongzükba agütsü.

Iba kidang kechi telemtetbatemsa agidir, iba jagi asen yimkong aser Naga lima asoshi telemtetba tajung agitsü asoshi paisa moaja metetdaksü.

Iba sentong nung Longkong village council chairman, Onentiba menden liasü. Taoba village council chairman, M. Lepden Jamir-i tarur ajak pelaa agizükba den ki asüba osang lemsatop. Lokti ayongzükba Medemsanger Lenzüng kinungtsürtemi sobaliba ken ka tenloksü. Longkong Baptist Arogo Pastor, P. Imkong Aier den temoatsü meshia sarasademer iba sentong tenzük aser A. Jongpong Jamir den tenüngsang agüja sarsademer tembang.

OFFICE OF THE  
YAONGYIMSEN DIMAPUR/CHUMOUKEDIMA LONGKUMER  
MANGKODONGMEN KIDONG TELONGJEM.  
HEAD QUARTER: DIMAPUR; NAGALAND.

### TENÜNGSANG AGÜTSÜR

Wb. Imnanungsang Lkr aser Wt. Toshijungla tena jabaso **SP. Tiatemu Longkumer-i** "Religious Syncretism Among the Ao Of Naga" onük nung ajemdaker, North Eastern Hill University nung Ph.D, department of Anthropology under the supervision of Prof. Lucy Zehol nung takok ngutet nung Yaongyimsen Longkumer Mangkodongmen kidong-i tenüngsang agütsür. Tanü takok anguba ya tetenzük sür tarutsü asen lima asoshi Tsüngrem-i nü taküm len aniang ta asen kidong-i sarasadema temoatsü meshitsür.



Sd/-  
President  
Jongpongmaket LKR.

Sd/-  
General secretary  
T. Meren LKR.



Office of the  
**AO RIJU**  
MOKOKCHUNG : NAGALAND - 798601  
"Kenozülü Yinsem"

Ref.No. AR/AT-SD/01/2023

Date: 30/10/23

### AO RIJU SANGDONG

Ao Riju-i achaayanga agiba Arangtet Tatidang (AT) 2023 Tanabubaren atema Shiyim (Form) Yimpoktsü 1, 2023 nungi tekübok agüja aliba tesemtem nung tongtepratepa inyaksü sangdonger:

- Wb. Aotemjen Jamir, M/No. 8731821467 (Kohima)
  - Wb. P. Alem Jamir, M/No. 7005501457 (Dimapur)
  - Ao Riju office, M/No 9089816427 (Mokochung)
- Agüja aliba tesemtem nung meinyaktetbapurtem ajak office den tongtepratepa inyaksü metetdaksü. Iba AT nungzülü Yimpoktsü 20, 2023 tashi alitsü, iba sülen aruba magizüktsü.

Sd/-  
Rev. Prof. Rongsen Lkr  
Chairman

Sd/-  
S. Wati Ozükum  
Secretary

## Entrepreneurs Associates ajanga "Run to Reforest" ayonger

**Kohima, Mongputeni/Oct. 30 (TYO):** Tzü mopung melenba azüoktsü nungdakba indang awareness agütsü aser lipajen nung süngdong atemba nung nüburtem nem shilem agidakttsü nükjiding nung "Run to Reforest (R2)" sentong ayongzüktsü ta The Entrepreneurs Associates (tEA) ajanga tanü sangdonga liasü.

Iba sentong ya High School Junction nungi November 11, 2023 anepdang 6:00 ako nung tenzüktsü aser NBCC Convention Centre-High Court junction ajanger IG stadium nung tembangtsü, ta tEA CEO Neichute Doulo aser Operation Supervisor Chunjanglu nati Kohima nung osangbener senden ka nung ashi.

Iba sentong nung tila-tanurtem, kaketshir aser lenla balala nungi professionals temi shilem agitettsü aser category ajanga nung senpet tajung agütsütsü, ta ashi.

Arishi küm 12 tekübok tanurtem asoshi ibai IG stadium nung kisüng asemtsü, ta ashi.

November 2019 nung tenzükba tEA indang in-house programme, Trees for Wealth Movement (TfW) nung shilem ka ama iba asemba sentong ya alitsü.

TfW ajanga 2050 tashinung süngjang-lijang atangba süngdong billion asem atemtsü tebilemba lir aser yangji 2025 tashinung süngjang-lijang atangba süngdong million ana aser süngjang matangba süngdong million asem atemtsü, 2030 tashinung süngjang matangba süngdong million 10 atemtsü aser 2035 tashinung süngjang-lijang atangba süngdong million 200 aser süngjang matangba süngdong million 500 atemtsü ta ashi.

Tang tashinung TfW kübok tEA ajanga süngjang-lijang atangba süngdong lakh tenet aser süngjang matangba süngdong lakh ana Nagaland aser Manipur nung tema

lir, ta ta tEA CEO Neichute Doulo- i ashi.

TfW ya Climate Action den entrepreneurship aser livelihood development temaba jenjangi ajungkettsü tEA nükla den lirumetema yangluba movement ka lir, ta pai ashi.

Iba movement yagi asen lipajen nung tajangzük anguba den külemi sen aazüktsü, mapa adokdakttsütsü, 'ancillary industries' yaritsü aser tongtipangsa urbanization melenshiba nung aluyimertem yaritsü, ta ashi.

Tang The Entrepreneurs Associates ya Nagaland, Manipur aser Arunachal Pradesh kübok aluyimer 27,000 den inyaker aser yangji parnoki agri-promotion livelihood sentong balala nung yarir. tEA yagi sorkar, CSRs, nüburtem aser kasa mangdang aliba partners den lungjemer inyaker.

R2 nungya school, college, professionals & others aser kaketshir arishi küm 12 teküpoklen alirtem telemsa alitsü. Category balala asoshi senpet yamai alitsü:

School students: 1st - Rs 8000; 2nd - Rs 5000; 3rd - Rs 3000 aser consolations nisung pongu, nisung shia Rs 500 alitsü.

College students: 1st - Rs 10000; 2nd - Rs 7000; 3rd - Rs 4000 aser consolations nisung pongu, nisung shia Rs 500 alitsü.

Professionals & others: 1st - Rs 20000; 2nd - Rs 15000; 3rd - Rs 10000 aser consolations nisung pongu, nisung shia Rs 1000 alitsü.

Iba asemtepbba nung shilem agitsüpuri asemteptsü anepdang tashinung tenüng agütsütettsü aser 7610080033, 8259856157 mesüra email theentrepreneursassociates@gmail.com ajanga tongteprateptsü akok, ta Operation Supervisor Chunjanglu-i ashi.

### GOVERNMENT OF NAGALAND STATE COUNCIL OF EDUCATIONAL RESEARCH AND TRAINING KOHIMA: NAGALAND.

#### ADVERTISEMENT

Dated, Kohima, the 30th Oct. 2023

NO. SCERT/ADM/RECUIT/GR-3/2023/ As per the approval of the Government of Nagaland Vide letter NO.DSCERT/GRADE III-IV/AA-62/2018 dated the 06.09.2023, applications are hereby invited from bonafide indigenous inhabitants of Nagaland for filling up 1 (one) post of Drivers (Group-C) under the Directorate of SCERT, Nagaland, Kohima. This is issued with the clearance accorded by the P&AR Department Vide U.O No. 512 dated 19/07/2023 and the concurrence of the Finance Department vide letter No. RFC/ESTT.No.65/2 dated 07/08/2023.

Sl. No	Name of the Post	Number of Post	Pay Matrix	Category
1.	Driver	1 (one)	Level-3 (18000-56900)	General

#### Eligibility Criteria

- Educational Qualification required will be Class 8 Passed and above.
- Age as on 01.01.2023: Minimum- 21 Years, Maximum -30 years, relaxation of upper age limit for SC/ST candidate and Government Employees shall be as per Government Office Memorandum.
- Documents required (mandatory).
  - Educational Qualification Certificate.
  - Birth Certificate.
  - Indigenous Inhabitants Certificate, S/T, S/C Certificate.
  - Driving License.
  - Aadhaar Card.
  - "No Objection Certificate" (NOC) from Head of Department with name and Official Seal, indicating the date of initial appointment of the candidate (if applicable).
  - Employment Exchange Registration Card.
  - 3 (Three) Recent Passport size Photos.
  - 5 (five) years driving experience preferred.
- Mode of selection shall be through Driving Test and Personality Test.
- Application Form will be issued in the Directorate of SCERT, Nagaland: Kohima from the 1st to 7th of November 2023.
- The filled form should be submitted in the Directorate of SCERT, Nagaland: Kohima, Near Rüzühkhrig Government Higher Secondary School on or before 8th of November 2023. Application Form will not be accepted after the last date.
- An amount of Rs. 200/- will be charged as Application/Exam fee.
- After due scrutiny of all relevant documents by the Department, eligible candidates shall be informed of the date and time of the Driving Test & Personality Test and the same will also be notified in the Directorate's Notice Board.

Sd/-  
(KEVIRALE-Ü KERHUO)  
Director,  
SCERT, Nagaland Kohima.



October 31, 2023

## Sardar Vallabhbhai Patel asoba anogomong nung linüki pa nem akhüm agütsür

Sardar Patel-i India Telongjem, Tashi aliba India mangdang ayuba ataloktsütsü atema asenok ajak longjemdi

### National Unity Day

benjungmong **Anogo:** 31.10.2023,

**Mapang:** anepdang 8:00 ako.

**Tesem:** Ekta Nagar, Gujarat

Tetushi tejaoker

— **Prime Minister** —

**Narendra Modi**

### Sentong balala ayongzüksü

Ato Kilonser Narendra Modi-i Statue of Unity nem akhüm agütsütsü  
BSF aser state police forces balalai National Unity Parade ayongzüksü

CRPF nungi tetsür bikers 75-i wako amer shilem agitsü

BSF nungi Women Pipe Band Show

Artsülen aliba state tem nung Vibrant Villages indang rongsenketzung takok sayatsü

Gujarat Women Police-i choreographed programs sayatsü


NCC Special Show, School Band Display

State balala indang sobaliba sentongtem

Indian Air Force fly past  
(Su 30, Suryakiran/Hawk)

“Sardar Patel-i terenlokji linük telongjem ajanga dang akoktsü ta amang. Pa taküm aser pa tangatatba nungi asenok atema tangazüksü aika lir. Telongjem osang sangdongtsüsa shilem ka mesüra kabosa agitsütsüji asenok ajak teinyaktsü mapa lir.”

- **Narendra Modi**



Ato kilonser indang sentongji **DD News** nung 'live' repringang

## Maratha reservation atema longkak aitersemi MLA tem ki rongdoktsü

**New Delhi, October 30** office rongdoktsüogo.

**(Agencies):** Hombarnü Maratha reservation atema akhangba dak sendakba nung Maratha reservation atema ano akhangba dak sendakba nung longkak tesashiba aita longkak Parliament temeja senden ka aitetertemi Beed district nung ayongzüka o lemteptsü asoshi Nationalist Congress Party opposition party Shiv Sena (NCP) MLA ana meyong ki (UBT)-i akhangba mapang nung rongdoktsüba den külemi taoba Hombarnü Beed district nung mapang minister ka meyong longkak aitersemi MLA Sandeep

Kshirsagar'er ki rongdoktsüba den par kima anena aliba gari aika rongdoktsü.

Kasa anogo nung anepdang longkak aitersemi Beed district nung NCP MLA, Prakash Solanke'er kidanga mi senoka rongdoktsü.

Beed district nungsa longkak

aitertemi taoba mapang minister, Jaydattaji Kshirsagar indang office rongdoktsü.

Kshirsagar ya Eknath Shinde-i aniba Shiv Sena telok nungi lir.

Maratha nungertemi Other Backward Classes (OBC) category kübok sorkar mapa aser shisaliok rejutem nung

parnok nem menden wazüka yujang, ta takhangba agüja state tesem ajaklen longkak aiter.

October 25 nungi Maratha reservation atema akhanger, Manoj Jarange Patil-i Jalna district nung lumia longkak ait tenzüka mapang nungi Maratha nungertemi longkak tesashiba aiter.



## TIR YIMYIM YIMOBILEM (EDITORIAL)

DIMAPUR SANGTENNÜ, MONGPUTENI (OCTOBER) 31, 2023

### Temulung melemtet onsara

**A**sen alidak government-i terenlok mapatem inyakba ya government nung alirtem kija agitsü atema masü saka asenok asoshi inyaktsür, anungji kechi terenlok mapa südirüaka government-i inyakba terenlok sentongtem nung nübortemia shilem agitsüla. Aji oda, government-i asenok jajatsü lenmang yanglutsür saka asenoki alimenok meshitsü bilemba dak alaka lenmangji junga yanglutsü aser teti junga alitsü atema anepalutsübo tebilema mebilemer, kechiyong aji government lenmang. Ajisüaka, asenoki meyiper bilemdang nungbo lenmang nungji government jajatsüba masü saka asenokang jajatsü. Ibaji angatet nungbo asenoki contractor-temi lenmang yangludanga shilem agitsü aser lenmang raksaa alidanga akok tashi asen sen aser nebo agi yanglushitsütsü aser kilentsü nungbanger motzü len tiyong nung yima alidanga tzünglu ajaa arema orr kilentzüji yapoktsütsü. Kasaji, mozü ki aser schook ki ajak ya asenok nübortem asoshi yanglutsüba lir, anungji item mozü kidangji doctor aser nurse-tem shitak ali mali mesüra parnoka timtem karbo lir mali aser parnok nungdaka peria ali mali ajakji nübortemi repranga anepalutsü tim. Kasaji school kidanga tesayur aser tanurtem tipdema sayutettsüsa aser angazüktettsüsa kiojen aser nungdak osettem shitak ali maliba indang nübortemi reprangshiranga inyaktsü tim. Aji oda, mozü ki asüyonga, schook ki asüyonga jara, tsüngbang aser kilem mejungi ngura government nem metetdaksüba den külemi nübortemi pei akok tenla bendena yanglushitsütsüla, kechiyong government nung alirtem asoshi masü saka asenok nübortem asoshi tenla kidang nungibo mozü ki aser school kitemjiang tenungdakba, kechiyong sentepbo moapu nunga agitettsü saka shirangertembo moapu nungbo meyaritettsü aser school-a moapu nung magitettsü. Ano, kasaji asen ki anasa light yindong ka telaor-ang ngura, government dang ashiba den külemi asenokia akok tashi anepalua alitsüla, kechiyong yindongji laora government masü asenok nübortemang timatemtsü. Ibala mesükba mapatem aika asenoki government den külemi yarisema inyaktsüba mapatem lir, ajisüaka asenoki meinyaker aser tamajung aser tamakok ajak government nem nungloktsür. Atangji, joko lia lia asen kima aoktsü dena asenoki government atar. Aji tezüdangtsüka aser iba jagi asen lima arar. Ajisüaka, kodang iba tiaji jungjunga bilemdangdir, ajakji nübortemi government nung alirtem dak temulung malemba ajanga ataloker aser aji temulung melemtsüla malemer masü. Joko, asen lima nung ochimashi mapatem ya onsara aküm nungji, nübortemi government nung alirtembo ajak ochimashi amai bilemer. Aji oda, government mapa nung alir tulurtembo ajak ochimashi sen agi kibong nungdak peridaktsür amai repranger. Aji oda, nisung karbo kanga meranga inyaker aaba aser kanga kümdanga bendenba sen agi kiojen yanglur asütsüa akok, saka yimya amaika aküm nungji, joko ajaki ibajia auyaa asür amai bilemer. Aji oda, pei jajatsüba lenmang aser pei teyari angudak mozü ki aser school kitemji anepalutsüyonga government nung alirtemi iba tenung nung sen agizüka achitsü amai nübortemi bilemer, iba jagi yimkong ajungtsüba mapa nungbo shingaja temeyonga meküraker. Ibai lokti tebilemetsü dang masü saka asen lima kangshiba tashidak amaika kümogo, anungji iba temulung melemtetba tashidak ya aneptsü asoshi government nung alirtemi anir nübortem ajaki pei mapa nung ochishia alitsü asoshi peisasa pei mulungjang nung Tsüngrem dang nangzüksüla. Ochimashi alitsübaji temela aser khen atemabo jangratemtsüka saka tatembangji tajungtazü nung oa matemtsü. Aji oda, ochishia alitsübajia tasak masü, ajia jangratemtsüka aser taküm sadoksadoka pelaa alitsüba taküm lenmangjibo ochi lenmangji dang lir. Ibaji asen dak nungi tenzüktetra asüngbo tangartema ajak ochishir kümer ajurutsü. Idangjiang government-i shitak inyakba angutsü aser mapa ajak nung government yarirji nübortem asütsü. Idangjiang nisung ajak pei lima aser pei mapa nung nümadangtetdangteta alitsü.

## OLEMSABANG

“Asenok ali-i meyoka lir asemang.”  
(Züngdangba 16:34)

~ Rev Dr. Mar Pongener, Executive  
Secretary, ABAM

*(Yashi adok nungi...)*

Kora aser medemertemi Tsüngremer sentong mangatet. Parnok nema teinyaktsü mapa aser menden lezmükja liasü aser item mapatemji takok ngua inyaktsü Tsüngremi parnok nungi imla. Saka parnok dak temulung masüba, tenük meremba, tangari ashi manganüba, ajemalu mesütetba, pei sasa ulua bilemba, tangar dak tamang makatetba, tangar kübok melinüba aser tangar dak tai ajitetsü merangba amala tanela tamajungtem agi parnok kokdaktsü. Iba jagi Tsüngrem jashidaktsu aser Kibubai Mosa o Aron dang ashi, “parnok khenyongi samatsütsü asoshi nenok sasa iba telok nungi pila-ang.” (Zün 16:20,21) Mosai ashidang angatet asübo lendongji majurui lila ta bilemer saka angatetdaktsütsü shiaka itemji mangatet ama toktsüba jagi lendongji atalok. Nokdaka aliba tesem sadanger ali telungi ia taküm jendi tembangba indang ya tanü asenok asoshi tebilemdangtsü aser tangazüksü keta aliba ka lir. Tamajungba tia aser lendong balala majurudang Tsüngrem taochi ajanga asenok nem mapang peria agütsür. Mosa ajanga angatetdaktsüba ama aseni mangajemi alidang Tsüngremibo lenmang balala ajanga asenok den jembir. Mapang tajung alangzüka, tamajungba tia aser lendong majurudang melenshiadoktsü angatetdaktsür. Saka asenoki asen tejangrabatem aser tebilembatem tang shitak ta bilema Tsüngrem sentong anema tetsüng meratsü meranger. Yabo tai ta angateta liaka asen tejangraba medoktsütetdang Tsüngrem sentong anema nemnemer. Tamang nung akanga Tsüngremer sentong asüngdanga jembishinütsü aser mapatem inyaktsüba sürnung aseni bilemba dang shitak ta sür mapatem inyakteper.

Adianutem, atapisüa melili. Tsüngremer tejembiba ola angashitsü tanela nangri kangdi. Tsüngremer taochi süitema maodang aser pa terasaba asen dangi marudang melenshiadoktsü nungdaker masü no? Asenok kobika kati ka dak tenük yoktepa, nükmerem aser tenükshiba meindoktetba tanela tamajung nem anishidaktsütsü? Tsüngremi asen nem moatsüba, asen nem lezmüksüba menden aser teinyaktsütem kechi lir item jagi tenük sünger tila kümteta aser ajemalua Tsüngrem sentong angateta aliba nung temoatsü alitsü. Saka kati ka anema nemnemtepa aser aitsütepba aser tamajung tasa balala asatepba litepa yagi temoatsü melena takoksa bener arutsütsü. Tsüngrem sentong anema jembiba aser inyakba ajanga asen dangia lendong aser takoksa arutsü ana nung lir. Alima nung tatsüka arishia alidang Tsüngrem pelatsüsa asenoki inyakdi aji mesütetra ashiko asenoka ali-i meyoktsüsa mapang kati menepa arutsü aser aseni sasatsü. Iba lendong jagi memenepdang arung külemi shisadangdi aser kümdangshidi.

**Iba Olemsabang nung lemsaba ken-o aser shisatsü ya iba ocet züluri  
bilemba ken-o ama tazünger angateta agitsü mepishir**

## Union Baptist Church Golden Jubilee sentong tembangogo

**Kohima, October 30 (TYO):** Union Baptist Church (UBC) Kohima pur anogo ananü Golden Jubilee mong Amongnü tembangogo.

"Pututem nungi putu; Pa nungsang sangdonger" (T. Ken 145:4) omen nung ajemdaker NBCC Convention Centre, Kohima nung Golden Jubilee among.

Amongnü tatembangbuba sentong ana nung tongti o jembir ana- Evangelist aser Bible

Teacher, Dr. Kethoser Kevichusa-i, "Pututem nungi putu: sangdongtsü otsü ka" onük jembia aser Angami Baptist Church Council (ABCC) executive Director Rev. Dr. Rachülie Vihienuo-i "Pututem nungi putu: telongjem lokti ka" onük jembia liasü.

Tatembangbuba sentong nung Nagaland Baptist Church Council General Secretary, Rev. Dr. Zelhou Keyho-i salem osang lemsatep aser Union

Baptist Church nung Associate Pastor, Diezenino Phizo-i sentong tembanga sarasadem.

Kasa sentong nung UBC Sunday School-i temeja shilem ka agi, "The Beginners," Lighthouse (UBKK), Jubilee Choir aser Senior Choir-i ken balala aten aser Nepali Baptist Church Kohima-i tsüingsanga liasü.

Jubilee Planning Committee Convenor, Keviyachü Liegise-i tepela anküp o jembia liasü.

## Khristan sentong ka nung bomb lendong nung asür 3 jungogo

**October 30, 2023:** Amongnü Kerala nung Ernakulam district nung Khristantem sarasadem sentong ka nung bomb apokba lendong nung asür nisung asem jungogo.

Iba lendong nung arrshi küm 12 tetsür chanu kata yirua hospital-i anir oa liasü ajisüaka mekümzükteti Hombarnü süogo.

Ernakulam district kübok Kalamassery jila nung Jehovah's Witness telok sarasadem sentong nungji nisung 2,000 dak tema dena liasü. Bomb asem apokba lendong nungji Ernakulam district nungi tetsür chanu ka densema nisung 50 dak tema yiru. La Kalamassery Government Medical College Hospital nung treatment tagidak mapang asü. Kasa lendong nungji sentong agiba tesem-convention centre nungjisa tetsür ana asü.

Amongnü anepdang 9:40 ako meta Zamra International Convention & Exhibition Centre nung Khristantem

sentong tagidak mapang nung lendongji ataloka liasü.

Police ketdangser, Shaik Darvesh Saheb-i, "Iba tatalokba bushisüngdangtsü atema tanü (Hombarnü) special team ka tentettsü," ta metetdaksü.

Hombarnü Kerala Health minister, Veena George-i, iba lendong nung yirur nisung 52 hospital balala nung mongdar aser parnok 18 bo intensive care units (ICU) nung lir, ta metetdaksü.

Ano külen tanga osang ka nung, Kerala nung Arogo lenirtemi Amongnü Khristantem sarasadem sentong nung bomb pokdaksüba tatalokba ya jungjunga bushisüngdangtsüla, ta takhangba agütsüogo.

Regional Kerala Catholic Bishops' Conference otongdar, Jacob G Palakkappilly, "State nung nüburttem kümzüka alitsü atema onoki iba tatalokba ya National Investigation Agency (NIA) nem jungjunga bushisüngdangdaksüner," ta

metetdaksü.

October 30 nü osangbenertem den jembidang pai, "Bomb lendong ajanga state nüburttem tsübudaktsüogo. Ano mamangtettsü kaji-sarasadem telok anema ang inyak," ta ashi.

Kerala nung aliba Eastern rite Syro-Malabar Church otongdar, Antony Vadakkekara-i, "Iba tatalokba ajanga onok aoksar aser jashir. State nung item ama tatalokba ya kodanga mangashidang, anungji iba ya ajak atema shisabulutsüsa lir," ta metetdaksü.

"Iba ya state nung yimsü balala amangertem tsüngda tesünep aser yimjung raksatsütsü atema merangba mapa ka lir," ta paisa metetdaksü.

Kerala nung yimsü balala amangertem aika lir. Nütsüng million 33 aliba state nung nütsüng shilem 50 Hindu nung lir, nütsüng shilem 26 Muslim nung aser nütsüng shilem 18 Khristantem lir.

## Vietnam nung Arogoi Pope Francis jaoker



**October 30, 2023:** itshitsü atema Vietnam Communist-i yimsüsüba Vietnam linük nung Arogoi Vatican den tesendaktep tajungba yanglutsü nükjidadong nung Pope Francis jaokogo.

Catholic Bishops' Conference of Vietnam Tir, Archbishop Joseph Nguyen Nang-i, "Osangtajung prokba nung shilem agiba aser mission mapa inyakba tsütsü asenok telongjem tali tashi

sem dangtsü onoki na jaoker," ta metetdaksü.

Taküm September ita nung Pope Francis-i Vietnam nung Khristan million 7 dangi züluba shidi langzüa Nang-i Pope dang linük tenzüka nung Arogo nungitba atema pelaba lemsatep.

"Vietnam nung Tsüngremer nüburttemi nai züluba shidi pelaa agizükogo," ta Nang-i

shidi ajanga Pope nem metetdaksü.

Vietnam Bishops' Conference office nung tongti, Joseph Dao Nguyen Vu-i, Nang-i iba shidiji October 4 nü zülua liasü saka Singapore nung aliba Archbishop Marek Zalewski (non-resident representative to Vietnam)-i iba shidiji Pope Francis ket atongba osang metetdaksüba sülen ang October 27 nü iba osang official süa sangdonger, ta metetdaksü.

Tang Vietnam nung Arogo 3,000, seminary 11, putir 8,000 aser bishops 41 lir.

Yen Bai province nung Khristan lenir, Joseph Sung Cho Su-i, "Kobi melii ozü linük nung Pope ajurutsü onoki yongyar," ta metetdaksü.

Joseph Sung Cho Su ya Hmong lisopur lir aser pai-a Vietnam aser Vatican tsüngda tesendaktep tajungba kümdaktsüner.

## ANO GO ABEN TSÜNGREM DEN

### Tsüngremer nüburttem tepelatem T.ken 144:9-15

"Koba nüburt Tsüngrem Kibubaji lir tepelatsü" (t.15). Yamaji Dawidi t.ken 144 ji tembang. Iba ken tesadang ka nung Pai teyari asoshi Tsüngrem dang ayimten. Tatemlen tesadang ka nung Tsüngrem dang Pa tenüingsang ken aten kechiaser Kibubai pa nem teyari agütsür.

"O Kibuba, ni ne dang ken tasen ka tenyutsü: Lisü ter aketba tzürang kongki manung ni ne dang tenüingsang atentsü. Chubattem nem tekümtet agütsübaji pa lir. Pai pa tenzüker Dawid tiyirutsü nok nungi kümzüker" (t.9,10). Iba yagi Dawid kija Kibuba nung tepela sayur. Dawidi pa noklangnok yur, pa kongki bena arur Kibuba tushiba aser sentsüwangshi ken tasen mejem ta asenoki noksaji yimdangi arur. Asenokia temulung nung kija tepela akatsü akok. Tsüngrem tenüng asangtsü asenok kuli aika lir, saka aiben asenoki taküm nung tejashi dang bilemtetter, aser temoatsütembo amadoker. Aser idakji kin tepela lir- "chubattem nem tekümtet agütsübaji pa lir." (t.10). Dawid chuba ka liasü, aser kodang Tsüngremi pa kümzüker, ibaji ken asoshi tajung liasü. Kin Tepela akatsü asoshi temeshiba kin asen temelung meyipa kin asenok koda nungdaker !

Tatempa idakji kibong tepela lir. Dawidi tekong 12 nung pa jabasotem süngdonglidong tentet mesük aser jalatem chuba ki yangertsür kinük nung angentetba ama, tejembi. Kibong nung Kibuba tushiba aser kibong nung alirtem Kibuba nung ainba angudang kechi koma tepela. Tsüngremer nüburttemji pelaa aliba nüburt asütsüla- kija aser kibong tepela sayutsüla. Kibubai kechi inyak aser paji shiba iba nung asenok tepela angur. Khrista yim pa ajungba taochi aser yimlibilem asenok tsütsü aliba asoshi tanü Kibuba nung pelaang.

## RI-i reshikangshi ajangshiba Khristantem atema sarasademtsü ayonger

**October 30, 2023:** UK aser ajang sentong ayongzüka Ireland nung aliba Arogo reshikangshi ajangshiba dang alima tesem balala nung Khristantem atema Khristantem reshikangshi sarasademtsü. Iba sentong tamajungba akümba atema nung talisa Eritrea, Nigeria sarasademjang ta aser Nicaragua nung ayongzüko. tepuokdak balala nung aliba

Khristantem atema sarasademtsü.

International Day of Prayer for the Persecuted Church (IDOP) atongtsü Release International mapang ana nung lia Khristan CEO, Paul Robinson-i, "Tasen melungtet telok Release Lai nung tenyartemi International-i Amongnü reshikangshi ajangshiba November 5 nü mesüra Khristantem tashi itdaktsütsü aser ajungmesotsü atema shia lir," ta metetdaksü.

"International Day of Prayer for the Persecuted

Church (IDOP) anogomong nung asenoki atangji Khrista atema reshikangshi ajangshir adianutem atema sarasademtsütsü," ta paisa Alliance den ayongteper online metetdaksü.

**AO OSHI ANGAZÜKDAK:  
TANÜ ANGAZÜKTSÜBA OJANG**



**Sasüanem**

(adj) junga aliba, kaa itta aliba (healthy living)

\* Nübener tsürabur sasüanema alitsu makoker.

**Sataka**

(v) ajak ngujema , lapoka ayuba ( keep opened)

\* Chiyongtsü sataka ayudak manga metemter.

**OLONG PAITEP # 6681**

1		2				3		4		5
				6						
	7		8							
9					10			11	12	
			13			14	15			
16					17			18		
			19		20					
21		22								23
24										

**TIPIEN**

- 1. Saku - (4)
- 6. Songjen - (7)
- 7. Mali/Tazüung - (4)
- 9. Tasen apok - (6)
- 11. Songtem - (3)
- 13. Ata liasü - (5)
- 16. Tzünglu den külemi tsüker - (3)
- 17. Aso tila - (6)
- 20. Tashi maküm - (4)
- 24. Tenüung kasa jatepba - (7)
- 25. Ki yangluba oset - (4)

**LANGTSÜNGLEN**

- 1. Taksep - (3)
- 2. Langtem - (5)
- 3. O tamendaktak - (4)
- 4. Nütsü tebuba - (3)
- 5. Anüngdang tesangwa - (3)
- 6. Apitet - (5)
- 7. Yagi jungdaksür - (4)
- 8. Anogo semer ka - (3)
- 10. --- tatsü - (3)
- 12. Tebur kidong aser zünga kasa tsüngda jatepba - (4)
- 14. Pela agizükba tapu ka - (5)
- 15. Tenüung atet - (3)
- 18. Mejanga onü - (5)
- 19. Talak techira - (4)
- 21. Maneni - (3)
- 22. Nübo teyi - (3)
- 23. Meshi - (3)

**OLONG PAITEP # 6680 TELANGZÜBA**

**TIPIEN :**

- 2. Pongsen, 5. Lepko, 7. Omen,
- 8. Maongka, 10. Yangkhu,
- 12. Senpong, 14. Angu,
- 15. Raksa, 16. Arameso,

**LANGTSÜNGLEN :**

- 1. Alimang, 2. Pongen,
- 3. Samaru, 4. Nün, 6. Pio,
- 9. Nüngdak, 10. Yongya,
- 11. Kongro, 13. Ora, 14. Ata.

**Office of the  
Village Council Changki  
PELABA LEMSATEPER**



Changki Village nungi senso tejangja, Apong Pongener, NPF tir tasenba ama kümsük 2024-28 inyaktü asoshi ajaki molunga shimba atema Changki Village Council ajanga Naga Peoples' Front (NPF) Central Election Board dang pelaba lemsateper.

Apong Pongener iba jenjangi ajungketba atema pa nema tenüung agütsür. Pa shisatsü aser küm aika regional party nisung ka ama ajangshibatem aser tensa balala nung jeret-pereta inyaktetba yimyatem ajanga Naga nung aser state ajunga ajangzüksüsa takok ma nung NPF anitsü pa dak tamang akar. Tsüngremi maneni Apong Pongener dak sakloka temaotsütem agütsütsü asoshi onoki sarasademer.

Sd/-  
Lendimenba Amri  
Chairman, VCC

Sd/-  
Pangerkumba Tzüdir  
Secretary, VCC

**JANGJASHITSUR**

Tir Yimyim olemsabang ocet "ABAM 1986 LEMTET" October 21,2023 nu adokba aser iba sulen ano maneni Keno balalatem Rev.S.Apong Jamir kinunger temi zungshia nemjema repringogo.Iba keno dak sendakba nung ozu tebilemba mesura tashishitsu lemsatepsuba nukjidong kecha mali.Saka Rev.S.Apong Jamir tenung tuteta adok nung mangatetep aser temangmangba malitsu asoshi oda talisa pa meyongnem dak sendakba onoki iba ocet ajanga lemsar.Mezungbuba nung 2018 kum tzurabur Dementia (shisaramaba) tashidak putet aser iba sulen nungi pa tanu tashi medical treatment nung alir.Tanabuba nung "ABAM 1986 LEMTET" ocet atema meyongnem bener aoba nu tia maka kinunger adianu shinga densema maliasu.Tasembuba nung iba dak sendakba nung oda ozu tzurabur Kum nung tain kumogo aser shiba teti teyari nungdaka aliba takum ka lir aser pa dang meyongnem meshiba ozu tenemjem aser tejashibaji liaka onoki iba Keno mebushir.

Item O dak ajemdaker ozu tzurabur Rev.S.Apong Jamir kechi Koda iba ken o nung densem ibaji ajaki aria bilema angatetdaksuner.Maneni ozu tsurabur atema nenoki sarasademtsuba pela agizüker.Aji oda,ozu kibongia Khrista yimjung aser tesunep asen Aoer lokti den teti alitsu aji maneni sarasadem nung abener.

Sd/-

Chimurtem

*(Signature)*  
29/10/23  
(TARONGTENSU)  
Tambusang

**GOVERNOR'S SECRETARIAT  
NAGALAND:: KOHIMA**

\*\*\*\*\*

**No. G-06/A-A-III/19::Dated Kohima the 30th October, 2023.**

**ADVERTISEMENT**

Applications are invited from all eligible candidates for filling up the following vacant posts under this establishment:

**Item No. 1.** 2 (two) posts of Drivers in the Pay Matrix Level- 3 under the Governor's Secretariat, Raj Bhavan Kohima

**Item No.2.** 1 (one) post of Assistant electrician in the Pay Matrix Level- 5 under the Household Establishment of Raj Bhavan Kohima.

The application should be addressed to the Secretary to Governor of Nagaland, Governor's Secretariat, Raj Bhavan Kohima Nagaland and be submitted by hand on or before 15th November, 2023.

**Terms and Conditions:**

1. For Item No. 1, the minimum educational qualification must be HSLC with a valid Driver's License and work experience of minimum 5 (Five) years.
2. For Item No. 2, the minimum educational qualification must be HSLC with Industrial Training Institute Certificate in electrician trade OR equivalent Certificate in Wiremen License from a recognised institute and work experience of minimum 2 (two) years.
3. Age limit will be as per the standing Government of Nagaland norms.
4. Candidates fulfilling the criteria may submit their application with photocopies of all relevant documents and two recent passport sized photographs. The applicants are required to clearly indicate details such as email id, Contact details (Whatsapp No) and full postal address in their applications for correspondence.
5. The appointment will initially befor a minimum probation period of two yearsdepending upon their performances and if found satisfactory subsequent regularisation shall be done.
6. Please note that applications with incomplete documentation and details for correspondence will be summarily rejected and no separate intimation for this will be sent.
7. Candidates canvassing in any manner shall stand disqualified.

Sd/- (Rajesh Soundararajan)IAS  
Secretary to Governor.

**Gadkari aser kinungtsü nati Kamakhya temple nung sarasadem**

**Guwahati, October 30, 2023**

(Agencies): Union Minister for Road Transport and Highways Nitin Gadkari-i

anogo ka atema Guwahati semdangdang Kamakhya Temple nung sarasadema liasü.

Union Minister Gadkari-i pa kinungtsü den külemi Goddess Kamakhya dang nungi

temoatsü meshi ta osang ajanga ashi.

Tanü Gadkari aser pa kinungtsü na Guwahati nung aliba Borjhar airport nung anenzük.

Assam aser tanga Northeastern state tem nung national highway project balala repringa senzütsü atema Gadkari arua lir.


Hombarnü Assam Down Town University ajanga Gadkari honorary D. Litt.

Degree agütsü. Iba ya pai North East region nung infrastructural development nung shilem tulu agiba atema agütsüba lir.

Tan ita tetenzüklen Nitin Gadkari-i Attari-Wagah border nung linük wako talangtiba atsüketa liasü. October 20 nü India-Pakistan international border nung pai 418 feet talang wako atsüket.



# Assam yimchiyimjung asoshi lenmangtem Tanü-asüng tesendaktep asangsang kumtsür



Dr. Himanta Biswa Sarma  
Chief Minister, Assam



"Our Government is leaving no stone unturned to build next-generation infrastructure to ensure better mobility, connectivity, productivity, sustainability and safety."

Narendra Modi, Prime Minister

## Linük Atema Nüngshilong Azüngtsüba & Semzüksüba

# National Highway Project 26 atema Sen Crore 17,500 dak tema indoker

October 31, 2023 (Mongulbarnü) anüngdang 12:45 ako | Srimanta Sankaradeva Kalakshetra, Guwahati, Assam

### NÜNGSHILONG AZÜNGTSÜBA

4 Laning/2 Laning with Paved Shoulder of Tinsukia-Makum Bypass

NH-15/315, Length: 41 KM, Cost: ₹ 459 Cr.

4 Laning of Simen Chapori - Nagabang Gamsuk

NH-515, Length: 27 KM, Cost: ₹ 562 Cr.

4 Laning of Dhupdhara Sahar - Chayagaon

NH-17, Length: 34 KM, Cost: ₹ 1000 Cr.

4 Laning of Silchar - Dhanehari

NH-306, Length: 20 KM, Cost: ₹ 1257 Cr.

2 Laning with Paved Shoulder of P. Leikul - Borowapu in Dima Hasao

NH-137, Length: 20 KM, Cost: ₹ 890 Cr.

2 Laning with Paved Shoulder of Bogapani to Golai Gaon with Digboi Bypass

NH-315, Length: 10 KM, Cost: ₹ 357 Cr.

4 Laning of Nagabang Gamsuk - Assam/ Arunachal Pradesh Border

NH-515, Length: 28 KM, Cost: ₹ 665 Cr.

4 Laning of Chayagaon - Guwahati Airport Junction

NH-17, Length: 27 KM, Cost: ₹ 1265 Cr.

4 Laning of Dhanehari - Lailapur

NH-306, Length: 29 KM, Cost: ₹ 1716 Cr.

4 Laning of Srirampur - Kachukhana Harichara Paglagaunj

NH-127B, Length: 28 KM, Cost: ₹ 614 Cr.

2 Laning with Paved Shoulder of Dudhnoi- Dainadubi

NH-217, Length: 8 KM, Cost: ₹ 89 Cr.

2 Laning with Paved Shoulder of Golai Gaon to Ledo with Margerita-Ledo Bypass

NH-315, Length: 21 KM, Cost: ₹ 643 Cr.

4 Laning of Nichinta - Paikan

NH-17, Length: 12 KM, Cost: ₹ 287 Cr.

4 Laning of Panchgram Bypass

NH-37, Length: 12 KM, Cost: ₹ 676 Cr.

2 Laning with Paved Shoulder of Hangrum - Hejaichak in Dima Hasao

NH-137, Length: 20 KM, Cost: ₹ 904 Cr.

4 Laning of Kachukhana Harichara Paglagaunj - Dhubri-Phulbari Bridge Approach

NH-127B, Length: 27 KM, Cost: ₹ 909 Cr.

Reconstruction from Jeypore to Hukanjuri

NH-315A, Length: 18 KM, Cost: ₹ 130 Cr.

4 Laning of Kandulijan Gaon - Simen Chapori

NH-515, Length: 27 KM, Cost: ₹ 609 Cr.

4 Laning of Paikan - Dhupdhara Sahar

NH-17, Length: 44 KM, Cost: ₹ 1458 Cr.

4 Laning of Badarpur Bypass

NH-37, Length: 11 KM, Cost: ₹ 574 Cr.

2 Laning with Paved Shoulder of Hejaichak - P. Leikul in Dima Hasao

NH-137, Length: 20 KM, Cost: ₹ 860 Cr.

4 Laning of Dillai - Lahorijan

NH-29, Length: 11 KM, Cost: ₹ 204 Cr.

### LINÜK NEM BENDANGA AGÜTSÜBA

4-Laning of Kaliabor Tinali-Dolabari including construction of new 2-Lane Bridge on River Brahmaputra

NH-715, Length: 17 KM, Cost: ₹ 837 Cr.

4-Laning of Dokmoka-Loring Thepi

NH-29, Length: 15 KM, Cost: ₹ 266 Cr.

2 Laning of Powamara to Bataia, Trinokhal to Mundamala & Lowrapuwa to Churaibari

NH-8, Length: 30 KM, Cost: ₹ 167 Cr.

Strengthening of Numaligarh-Khatkhathi Road

NH-129, Length: 50 KM, Cost: ₹ 146 Cr.

### PROJECT TEM NUNG TAJANGZÜKTEM

The Dibrugarh-Tinsukia-Ledo project will enhance interstate connectivity between Upper Assam and Arunachal Pradesh, strengthen strategic foothold in the region besides improving trade & tourism

NH-515 in Dhemaji District will enhance the interstate connectivity between North Assam and Arunachal Pradesh

Paikan to Guwahati Airport section will unfold the potential importance of Multi Modal Logistics Park in Jogighopa

Rakuldubi on East-West Corridor to Paikan is being 4-laned and with the development from Paikan to Guwahati Airport, Guwahati & MMLP will be connected in a circuit of 4-lane highways

Srirampur to Dhubri section will connect Assam & West Bengal with Meghalaya via Dhubri-Phulbari Bridge and eventually boost international trade & promote tourism

Panchgram & Badarpur Bypass in Barak Valley will reduce congestion besides improving the connectivity with Tripura

Silchar to Lailapur section will enhance connectivity of Barak Valley with Mizoram thereby contributing to socio-economic growth and trade

NH-137 will improve overall connectivity in Dima Hasao Region and will also provide alternate connectivity to Western Manipur

The New Bridge on River Brahmaputra parallel to Kaliabhomra Bridge significantly reduces congestion and improves the Capital Connectivity to Arunachal Pradesh, strengthening the strategic foothold in the region

Transformative boost to trade & tourism, impetus to the agricultural income & handicraft business in the region

Boosting the Healthcare, Emergency Services and overall socio-economic progress in the region

Construction of 3 Bridges on River Barak in Barak Valley will provide substantial impetus to the overall growth and development of the region

By

**Nitin Gadkari**

Union Minister for Road Transport & Highways

Presided by

**Dr. Himanta Biswa Sarma**

Chief Minister, Assam

### Guests of Honour

**Sarbananda Sonowal**

Union Minister of Ports, Shipping and Waterways & AYUSH

**Parimal Suklabaidya**

Minister of Transport, Fisheries & Excise, Govt. of Assam

**General (Dr.) V.K. Singh (Retd.)**

Union Minister of State for Road Transport & Highways and Civil Aviation

**Keshab Mahanta**

Minister of H&FW, Medical Education & Research, Science & Tech. and IT, Govt. of Assam

**Sanjay Kishan**

Minister of Tea Tribes & Labour Welfare, Govt. of Assam

**Rameswar Teli**

Union Minister of State for Petroleum & Natural Gas and Labour & Employment

**Nandita Gorlosa**

Minister of Power, Sports & Youth Affairs, Cooperation, Indigenous & Tribal Faith, Govt. of Assam

**Pramod Boro**

Chief Executive Member, Bodoland Territorial Council

**Debolal Gorlosa**

Chief Executive Member, North Cachar Hills Autonomous Council

**Dr. Tuliram Ronghang**

Chief Executive Member, Karbi Anglong Autonomous Council

### Members of Parliament

Queen Oja

Pradan Baruah

Pallab Lochan Das

Naba Kumar Sarania

Kripanath Mallah

Gaurav Gogoi

Birendra Prasad Baishya

Maulana Badruddin Ajmal

Dr. Rajdeep Roy

Horen Sing Bey

Ajit Kumar Bhuyan

Bhubaneswar Kalita

Pabitra Margherita



Scan For Live Streaming



Scan For Details

OFFICE OF THE CHUMOÜKEDIMA LONGSA SENSO TELONGJEM TENÜNSANG AGÜTSÜR

Chumoükedima Longsa Senso Telongjem ajanga Lt. Alitemjen Jamir aser Wt. Neeta Rai na jala kr. Alemtula Jamir lai NPSC (CTSE) agütsüba nung takok tulu nguteta Program Officer (class-1) under Information Technology and Communication Department nung ngutetba asoshi tenünsang agütsür



Chumoükedima Longsa Senso Telongjem ajanga tenünsang aser tetushi tulu agütsür.

Tsüngremi nü taküm aser wadang ajak nung maneni moajangma. Sd/- Wb. Akangmeren Lkr President, CLST Sd/- Wb. Tali Pongen Gen. Secretary, CLST

Super Seniors aser KSR Team MDFA Trophy Semi Final nung asayatsü maongka ngutetogo

Mokokchung, Mongputeni/October 30 (TYO): MDFA Trophy asembuba aser pezübuba Quarter Final asayaogo.

KSUM aser Super Seniors tsüngda tanü asembuba Quarter Final asayaba mapang nung asaya tenzüker minute 19 buba nung Super Senior telok nung jersey no 17 Chuba Imchen-i goal ka yoka par telok takoklen kümer anisüngzükbä mapang agia liasü.

Anisüngzükbä mapang agir asayaa aoba mapang nung minute 75 buba nung KSUM telok nung jersey no 29 Kapzei-i penalty ka metsüa goal ka yoka telok ana kasasa aküm. Kasasa kümer kelen asayaa ao saka tatemba mapang tashi nung telok katia goal kata meyoktet nung penalty metsütep aser iba nung Super Senior teloki gaol pezü yoktet aser KSUM telokibo goal ana dang agütsütep nung Super Senior teloki goal 5-3 agi KSUM telok kokteta MDFA Trophy 2023 semi final asayatsü maongka ajangzüktetogo.

Iba asaya nung KSUM telok nungi jersey no 5 W.Kango, Super Senior nungi jersey no 12 Nokchashilu aser jersey no 7 Temjenmeren par asem Yellow card agi merenshi.

Tanabuba nung pezübuba Quarter Final KSR Team aser SSS tena tsüngda asayaba nung asaya tenzükli minute 5 buba nung jersey no 12 S. Ayenmongba-i goal ka yok aser ano minute 28 buba nung jersey no 11 Yhoto Lohe-i goal ka yoka par telok takoklen kümer

anisüngzükbä mapang agia liasü. Anisüngzükbä mapang agir asayaa aoba mapang nung minute 90+2 nung KSR Team nungisa jersey no 17 Lamsanggin Hangsing-i goal ka yokteta item goal asem jagi KSR Team-i goal 3-0 agi SSS telok ayong ayonga dang kokteta MDFA Trophy 2023 semi final asayatsü maongka ajangzüktetogo. Iba asaya nung KSR telok nungi jersey no 5 Merensang yellow card agi merenshia liasü.

Bank of Baroda SANGDONGER advertisement with logo and branch details.

KSUM telok nung jersey no 29 Kapzei-i penalty ka metsüa goal ka yoka telok ana kasasa aküm. Kasasa kümer kelen asayaa ao saka tatemba mapang tashi nung telok katia goal kata meyoktet nung penalty metsütep aser iba nung Super Senior teloki gaol pezü yoktet aser KSUM telokibo goal ana dang agütsütep nung Super Senior teloki goal 5-3 agi KSUM telok kokteta MDFA Trophy 2023 semi final asayatsü maongka ajangzüktetogo.

All Blacks-i LMMCC 2023 kokogo

Dimapur, Mongputeni/October 30 (TYO): Lobenkokba Memorial Morning Champions Cup 2023 final asaya nung All Blacks puri tesülen nungi meyipa arur Unity FC pur goal 2-7 agi koka liasü.

Asaya nung mezüngbuba goal ya Unity FC pur atema Asezo-i agütsüba goal ka Mele-i minute 9buba nung idakja liasü. Iba sülen minute 15buba nung Asezo-i ano Unity pur atema tanabuba goal idakja parnok goal ana agi tejakdang aküm.

Asaya tanabuba shilembo All Blacks puri amokbanger asaya aser Kobou-isa ano minute 86buba nung goal ka idakja hattrick angu. Par team nungi ano Keze-i minute 80buba nung goal ka idaktsü. Maneni asaya nung All Blacks atema Visa-i goal ana idaktsü asr Akho-ia goal ka idakja parnoki asaya goal 2-7 agi ayong ayonga koka liasü. Asayamung nung jurila sempet angurtem rongnung Vanguard FC Old Boys nungi Avor-i Golden Glove angu, Unity FC nungi Asezo-i Golden Boot angu aser All Blacks nungi asayar Visakholie nem Player of the tournament naroküm agüja liasü.

Ajisüaka defending champions All Blacks pur atema Kobou-i asaya mezüngbuba shilem mademdangsa minute 38 aser 45buba nung goal ana idakja goal kasasa aküm.

DEBTS RECOVERY TRIBUNAL GUWAHATI summons form with case details and legal text.

Asian Championship: Anish Bhanwala-i bronze medal angu

Mongputeni/October 30, 2023 (Agencies): Changwon, Korea nung tang asaya aliba Asian Championships nung tebur 25m rapid pistol fire event nung bronze medal ka anguba sülen India nung shooter Anish Bhanwala-i India atema Paaris Olympics asoshi shooting nung quota 12buba ngutetogo.

kechiyong China nung asayar Lee aser Dai natibo taoba mapang Paris Olympics asoshi quota nguatoker liasü. India nung asyartem rongnungisa Bhavesh Shekhawat-i point 584 ngua pa top-eight nung liasü saka final-i mai kechiyong pa ranking points atema dang asaya liasü aser final asoshi pa temsüa maliasü.

Karnal nungi arishi küm 21 tain asayar shibai final nung point 28 ngua liasü, pai Japan nung Dai Yoshioka mekoki bronze dang angu.

Vijayveer Sidhu-ia point 581 nguteta final asoshi jenjang monguteta aser Adarsh Singh-ia point 570 dang angu.

Iba asaya nung Korea nung asayar Lee Gunhyeok-i point 34 nguteta pai gold medal ngua liasü.

Kasa mapang nung India tebur trap team-i silver medal nguogo. Team nung Zoravar Singh Sandhu, Kynan Chenai (111) aser Prithviraj Tondaiman (111) nung densema liasü aser parnoki point 341 ngua gold medallist Qatar team sülen tanabuba jenjang nung tembang. Iba asaya nung Iran-i bronze medal angu.

Qualification stage nung Bhanwala-i point 588 nguteta tasembuba jenjang nung tembangba sülen Paris Games atema quota nguteta liasü.

India nung asyartem i asayamung nung gold medal ti densema tang tashi nung medal 30 ngua lir. Bhanwala-i quota ka anguba densema India nung asayar asoshi 2024 Olympics quota ana anunga liasü, quota pongu ngutetogo.

Asayar trok asayaba final nung China nung asayar asem tashi liasü aser India nung asayar yagi world champion Li Yuehong sülen tasembuba qualifying jenjang agia liasü.

Iba asaya masaya tsüngda iba asaya asoshi 2024 Olympics quota ana anunga liasü, quota pongu ngutetogo.

BILEMDANGANG "Anogoshi ajakbo tajung masütsü, saka anogoshia tajung lir."